



JUDICIAL **SYSTEM** MONITORING PROGRAMME  
PROGRAMA MONITORIZASAUN BA **SISTEMA** JUDISIÁRIU

***Komunikadu Imprensa***  
***Distritu Oe-Cusse***  
***23 Feveiru 2015***

## **Estudante Sekundáriu Tékniku Vokasionál Oe- Cusse apresia ho prezensa JSMP**

Iha 19 Feveiru 2015, *Judicial System Monitoring Programme* (JSMP), realiza treinamentu iha Eskola Sekundáriu Tékniku Vokasionál Oe – Cusse. Treinamentu ne'e hetan antusiasmu makas husi estrutura eskola refere nomos alunos sira. Partisipante treinamentu kompostu husi diresaun eskola no alunos sira rasik. Total partisipante hamutuk 30, ne'ebé konsiste ho mane nain 12 no feto 18.

Materia treinamentu ne'e konabá direitu ema nian, knaar advogado privadu no defensor públiku, kazu violasaun sexúal no violénsia doméstika, klasifikasaun kazu krime sira no oinsa atu prosesa kazu krime sira tuir sistema justisa formal.

“Treinamentu ne'e hanesan pasu importante ida atu informa ba estudante sira kona-ba funsionamentu sistema justisa formal, nune'e sira bele komprende diak liu tan oinsa atu rezolve krime ne'ebé akontese iha sira nia comunidade tuir dalan justisa formal iha Timór-Léste”, dehan Diretór Ezekutivu JSMP, Luis de Oliveira Sampaio.

Diretór Eskola Sr. Francisco José Caet, iha ninia abertura no enseramentu ba treinamentu refere apresia no agradese tebes prezensa ekipa JSMP nian hodi fahe informasaun importante konabá lei no direitu umanu ba estudantes no diresaun eskola sira. Informasaun ne'e benefisiu tebes ba estudante sira atu nune'e bele iha koñesimentu diak liu kona-ba krime sira ne'ebé hatuur iha lei ho ninian prosedimentu normal sira.

Sr. Caet, hatutan katak, sira sente kontente tanba foin premeira-vez JSMP fornese treinamentu iha sira nia eskola kona-ba asuntu lei nian. Tanba ne'e husu JSMP atu bele kontinua treinamentu hanesan iha sira iha eskola iha futuru tanba estudante barak mak seidak hetan informasaun refere.

Treinamentu ne'e rasik hetan antusiasmu diak husi alunos sira. Ida ne'e bele nota husi prosesu durante hala'ó treinamentu partisipante sira ativu tebes hosi husu perguntas wainhira sira ladun kumpriende didiak informasaun hirak ne'ebé maka transfere husi treinador. Aliende ne'e alunos sira mos rekomenda ba JSMP atu bele kontinua habelar informasaun importante sira ne'e ba

Rua setubal, Colmera, Dili Timor Leste

PoBox: 275

Telefone: 3323883

[www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

alunus sekundáriu sira, liu-liu ba estudante feto sira ne'ebé sedauk asesu ba informasaun sira ne'e.

Atividade treinamentu ne'e realiza tanbá hetan suporta fundus husi **Canada Embassy Jakarta –Indonesia**

Atu hetan tan informasaun kompletu, favor kontaktu:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
[info@jsmp.minihub.org](mailto:info@jsmp.minihub.org)